

## UGOVOR O NABAVCI DIZEL GORIVA D5

Zaključen u Sarajevu dana 26.02.2020. godine

### UGOVORNE STRANE:

1. **Petrol BH Oil Company d.o.o. Sarajevo**, sa sjedištem u Sarajevu, ulica Tešanjaska 24A/II (u daljem tekstu: **Prodavac**), ID broj: 4200505350000, zastupan po direktoru Gregoru Žnidaršiču
2. **Direkcija za robne rezerve Kantona Sarajevo**, ulica Alipašina b.b. (u daljem tekstu: **Kupac**), ID broj: 4200173840008, zastupana po direktorici Jeleni Pekić, mag. oec.

### Član 1.

Predmet ovog Ugovora je nabavka dizel goriva D5 (10ppm) za motorna vozila po direktnom sporazumu na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14).

Vrijednost Ugovora će zavisi od cijena, kao i količine preuzete robe u periodu važenja istog.

### Član 2.

Prodavac i Kupac sporazumijeli su se o prihvatanju uslova ovog Ugovora, a kako slijedi:

- a) Prodavac se obavezuje da će vrijeme trajanja Ugovora snabdjevati kupca naftnim derivatima;
- b) Nabavka robe vršit će se na benzinskim stanicama Prodavca;
- c) Predviđene okvirne količine koje će biti isporučene kao predmet Ugovora su cca 220 litara Dizel goriva D5 (10 ppm).

### Član 3.

Isporuka i preuzimanje (prijem) robe vršit će se na slijedeći način:

- a) Kupac će Prodavcu dostaviti ovjeren i potpisan spisak vozila i ovlaštenih lica koja mogu preuzimati naftne derivate;
- b) Prodavac će Kupcu, na osnovu dostavljenog spiska, izdati kartice za preuzimanje naftnih derivata;
- c) Kupac kartice može koristiti na svim maloprodajnim objektima Prodavca;
- d) Kupac ili njegov ovlašten predstavnik obavlja kvantitativni i kvalitativni prijem robe na mjestu isporuke, pa je obavezan da odmah stavi reklamaciju na nedostatke, inače gubi pravo da kasnije stavi prigovore.

### Član 4.

Jedinične cijene iz ponude su promjenjive, ovisno o kretanju cijena na domaćem i svjetskom tržištu i dokazuju se OPC obrascem ovjerenim od Ministarstva trgovine Federacije Bosne i Hercegovine. Cijene roba važe na dan isporuke.

Prodavac odobrava Kupcu popust u iznosu od 0,12 KM/lit za gorivo.

#### Član 5.

Fakturisanje robe vršit će se jednom mjesečno u skladu sa isporučenim količinama. Isporučenu, odnosno preuzetu količinu robe iz člana 1. ovog Ugovora Kupac je dužan platiti u roku od trideset (30) dana od dana izdavanja fakture, a sve u skladu sa ponudom br: 37/20 od 24.02.2020. godine.

Za kašnjenje u izmirenju obaveza nakon utvrđenog roka plaćanja Prodavac će Kupcu zaračunati propisanu zakonsku kamatu.

#### Član 6.

Prodavac ima pravo Kupcu usloviti, ograničiti ili obustaviti dalje isporuke robe, odnosno izdavanja robe u slučaju da Kupac neuredno vrši plaćanje.

#### Član 7.

Ovaj Ugovor se zaključuje na period od 26.02.2020. godine – 31.03.2020. godine, a stupa na snagu danom potpisivanja obje strane, s tim što se može otkazati u roku od 30 dana, računajući od dana kada je druga strana primila pismeni otkaz.

#### Član 8.

Ugovorna strana koja zbog djelovanja više sile bude spriječena u izvršenju ugovorne isporuke ili preuzimanja robe ili plaćanja ugovorenog iznosa, dužna je drugu stranu o tome obavjestiti u roku od 24 sata.

Ugovorne strane će se tada sporazumjeti da li će se utvrditi drugi rok za isporuku odnosno primanje ili plaćanje robe.

Pod višom silom podrazumjevaju se događaji koji se ne mogu predvidjeti subjektivnom voljom ugovorne strane.

#### Član 9.

Izmjene i dopune ovog Ugovora ugovorne strane će vršiti odgovarajućim Aneksima. Tumačenje Ugovora i eventualnih Aneksa vrše direktori ugovornih strana.

#### Član 10.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

#### Član 11.

Eventualne sporove ugovorne strane rješavat će sporazumno, a ako to ne bude moguće sporove će rješavati nadležni sud u Sarajevu.

**PRODAVAC**

**DIREKTOR**

**Gregor Žnidaršić**

**PETROL**  
ENERGY COMPANY  
d.o.o. Sarajevo

Broj: *U-218/20*  
Datum: 26.02.2020. godine

**KUPAC**

**DIREKTORICA**

**Jelena Pečić, mag. oec.**

Broj : 02-25-87-3/20  
Datum: 26.02.2020. godine

*[Handwritten signatures]*